



- Suliffiga nuannareqaara

Frederik Kanuthsen ukiorpassuit KNI-mi sulisuuvoq, massakkullu Paamiuni Pilersuisumi ator-tussaarniarfiani sulilluni.



Frederik Kanuthsen.

Frederik 1956-imi Alluitsup Paani inunngorpoq, 1970-imilu Paamiunut nuussimalluni. Frederik 1973-imi KGH-mi pisiniartitsisutut ilinniartunngorpoq, ulloq mannalu tikillugu KNI-mi sulilluni.

- Taamani KGH-p nalaani suliffeqarfiup aqqissuussaanera allaaneroqaaq. Niuertarfiararpassuaqarpoq soorlu aalisakkanik umiatsianillu pisiniarfiit, eqqaamavaralu qanga Paamiut aalisarfissuugallarmat inoqarnerugallarmallu sulisoqarnerungaatsiartoq, pingaartumillu akissarsisimasoqartillugu ulapputtarnikooqaagut, Frederik oqaluttuarpoq eqqaallugu Paamiut inuerukkiartornera pisiniarfimmut aamma malunnaataanikuusoq.

- Paamiunut nuuppugut inuit 2000-it missaani maani najugaqartut. Maanna 1500-t pallillugit inoqarpoq, Frederik oqarpoq.

Paamiuni Pilersuisup nerisassaarniarfia ator-tussaarniarfialu immikkut inissisimapput, Frederillu ator-tussaarniarfimmil pisiniartitsisut, allaffimmiortik ningiortillu suleqatigai. Inuttaa nammineq nioq-qutissat tikittut akilersortarpai, iliorartarpai torersaasarlunilu.



KGH-p nalaa

Frederik aappaqarpoq qitornaqaranilu. Sunngiffimmini pinngortitamiinnissani nuannarisaraa, nunakut pisuttuarnerit, aavarneq puisinniarnelut aallulluagaasa ilagaat.

- Neqinik nammineq peqqumaateqarnissara pingaartippara, maanimi pisiniarfiit qerisuinnarnik neqinik tuniniaasaramik, Frederik oqarpoq.

Pisiniarfimmi sulinerup unamminartoqarsinnaanera Frederiup aamma oqaatigaa.

- Nioqqutissanik amigaateqaleraangatta inuit qisuariaataat assigiinngissinnaasarput, qujanartumilli ullumikkut nioqqutissat sukkanerusumik tikissinnaapput. Ukiumi pajuttaat ullut 14-ikkaarlugit tikinerusarpoq, aasamili sapaatip akunneri tamaasa tikittoqartarluni, Frederik oqaluttuarpoq eqqaallugulu suliffini assut nuannaralugu.

- Nuannersorpasuupput, sulisorpassuit aqqusaarnikuuakka, 1990-ikkullu aallartinnerata nalaani pikkorissarnerit nuannersut arlallit peqataaffiginikuuakka kingumut eqqaallugit assut nuannertartut, taamatullu aamma pisortarpassuit aqqusaarnikuuakka. Eqqaamavara KGH-p nalaani pisortat niuertullu qallunaajunerusartut. Taamani taakku allaffimmiinnerusarput sulisut allat pisiniarfinnut alakkaatittarlugit, massakkulli qanimut suleqatiginerujussuugut, Frederik naggasiivoq.



Frederik suliffimmini.